

ENSINO CONCERTADO

Táboas Salariais 2018

A CIG-Ensino non asina o acordo de revisión salarial 2018 do VI Convenio Colectivo estatal de empresas de ensino privado sostidas total ou parcialmente con fondos públicos. (BOE do 14/08/2018)

A **CIG-ENSINO**, presente nas negociacións de actualización das táboas salariais de ensino concertado para 2018, non asinou a revisión salarial **COA RAQUÍTICA SUBA DO 1,625%**, ao igual que non o fixera nas anteriores táboas de 2016 e 2017, por dous motivos que se recollen na acta do 27/07/2018:

- 1.- Pola **consolidación da perda de poder adquisitivo** que supón para todo o persoal afectado por este convenio: **perda do 4,6% de 2011 a 2015, +0,6% do 2016, +0,1% do 2017 = 5,3% de perda total**, que aumentará este ano posto que non se recolleu **ningunha cláusula de revisión salarial** e se prevé que **o IPC neste ano quede entre o 2-3%**, co que, como mínimo, estaríamos a consolidar un 1% máis de perda de poder adquisitivo, a sumar ao 5,3% xa acumulado.
- 2.- Porque **para o persoal docente de pago delegado**, e debido á pretendida homoxeneización en todo o Estado, suporá, ademais, **unha limitación ao incremento no seu salario base por enriba do recollido nos Orzamentos Xerais do Estado**, en vez de favorecer

a súa mellora por medio de negociacións nas distintas Comunidades Autónomas. Por agora, en Galiza séguese a aplicar a suba en todos os conceptos retributivos, sen aplicar o que di o convenio.

O acordo foi asinado por todas as asociacións empresariais (EyG, CECE, FED-ACES e APSEC) e polas organizacións sindicais FSIE - USO e UGT (asinantes do VI convenio dos "recortes", atados polo mesmo e compracentes coa patronal) e tamén por CCOO, quedando a **CIG-ENSINO** como non asinante. Nós mantemos a mesma coherencia que nos levou a non asinar no seu día o VI convenio, así como as táboas salariais posteriores (2014, 2015, 2016 e 2017). É unha vergoña que as OO.SS asinantes non forzasen unha "negociación real" na mesa, amosándose **totalmente servís á patronal** (mirar acta no BOE, que esta vez se lles colou...), e fosen polos centros vendendo unha falsa reivindicación dos dereitos perdidos e a recuperación do poder adquisitivo perdido.

Nin sequera forzaron a mesma suba, que estas OO.SS lle asinaron a Montoro para os funcionarios/as, do 1,75%,

e que desde a CIG-Ensino cualificamos de pobre e venda de dereitos salariais, por non recuperar o **SALARIO RECORTADO e PERDA DE PODER ADQUISITIVO**, pois este aumentará.

PARA O PERSOAL DOCENTE NON CONCERTADO E P.A.S.

A CIG-ENSINO PROPUXO: Suba salarial do 3% sobre táboas de 2017 para salarios superiores ao salario medio galego (18.000€), e para os que estean por debaixo suba lineal de 540 euros en 14 pagas (reducir fenda salarial entre altos/baixos). Deste xeito tamén avanzaremos na recuperación de parte da perda de poder adquisitivo, que se eleva a un 5,3%, dende a entrada en vigor do convenio.

QUE ASINARON?: Suba do 1,625% (cando o IPC previsto para este ano é entre o 2% e o 3%). Este colectivo leva conxelado do 2011 a 2015, o 2016 e 2017 suba do 1%, é dicir, perda do 5,3% de IPC real

PARA O PERSOAL DOCENTE EN PAGO DELEGADO

A CIG-ENSINO PROPUXO:

Trasladar a negociación ás CC.AA. ante a diversidade de situacións existentes nas mesmas. En tanto isto non é posíbel, **fixar unhas táboas salariais conforme aos módulos de concertos recollidos nos Orzamentos Xerais do Estado** (pois temos o límite do recollido no convenio polos que venderon os nosos dereitos) e a partir de aí negociar nas distintas CC.AA. melloras salariais en salario base. Nese ámbito reivindicaremos tamén o **3% de suba** (sen a limitación do convenio estatal) coa finalidade da **recuperación paulatina do 5,3% de IPC perdido e dos recortes sufridos nos últimos anos**.

O que si non iamos asinar era unha porcentaxe á baixa sen cláusula de revisión salarial, e máis cando os funcionarios/as van ter un incremento do 1,75%, ratificado tamén polas mesmas OO.SS que asinaron este por menos (a **CIG-ENSINO** non asinou o dos funcionarios/as por non garantir a recuperación do poder adquisitivo perdido nin os recortes padecidos).

QUE ASINARON?

Unhas táboas salariais, co incremento do 1,625% sobre as de 2017, de validez só para Andalucía, Extremadura, Navarra, Illas Baleares, A Rioxa, Ceuta e Melilla (ao ser estas as únicas que abonan os salarios tal cal os módulos que abona o Estado). Para o resto, existen unhas táboas de referencia para adecuarse a elas até o fin de 2018, feito até agora imposible.

Para as CC.AA. que apliquen salarios superiores ao fixado nestas táboas, propoñen que traspasen os futuros incrementos a outros conceptos (ex. Complemento Autonómico) pero non a salario base, ao cal tamén nos opomos rotundamente desde a **CIG-ENSINO**. A CC.AA galega non aplica estes criterios de suba, facendo caso omiso ao acordo estatal.

A insistencia no mantemento dun convenio de ámbito estatal cae polo seu propio peso. É absurdo seguir pola vía da homoxeneización de salarios en todo o Estado, e “atalo” todo a

un convenio que despois non se aplica, en táboas salariais, PEA,...

É necesario trasladar o ámbito de negociación alí onde se dan as condicións para chegar a acordos que sexan realistas e que poidan aplicarse, é dicir, ás CC.AA., e que participen nelas as tres partes implicadas: patronais, organizacións sindicais e, polo menos, mentres sigan sendo financiados con fondos públicos, as administracións educativas correspondentes. Xa vén sendo hora de adaptarse á realidade e de respectar a pluralidade do Estado.

De que vale un convenio estatal que non se aplica, mesmo limita e non é operativo?

OS NOSOS LOCAIS

SANTIAGO (Local Nacional)

Rúa Miguel Ferro Caaveiro 10
15706 Santiago de Compostela
☎ 981 57 68 00 / Fax 981 575 839
santiago@cig-ensino.gal

A CORUÑA

Rúa Alfonso Molina s/n
15007 A Coruña
☎ 981 169 810 / Fax 981 291 735
acorunha@cig-ensino.gal

BAIXO MIÑO

Praza da Guía 3, Baixo
36780 A Guarda
☎ 986 610 465 / Fax 986 610 465
baixomiño@cig-ensino.gal

MORRAZO

Rúa Atranco 19a, Entrechán 1
36947 Cangas
☎ 986 302 987 / Fax 986 302 987
morrazo@cig-ensino.gal

FERROL

Rúa Eduardo Pondal 41-43
15403 Ferrol
☎ 981 358 750 / Fax 981 358 760
ferrol@cig-ensino.gal

LUGO

Ronda da Muralla 58, Baixo
27003 Lugo
☎ 982 245 023 / Fax 982 2453 891
lugo@cig-ensino.gal

OURENSE

Parque de San Lázaro 12, 4º
32003 Ourense
☎ 988 238 350 / Fax 988 222 855
ourense@cig-ensino.gal

PONTEVEDRA

Rúa Pasantería 1, 2º Esquerda
36002 Pontevedra
☎ 986 861 513 / Fax 986 855 050
pontevedra@cig-ensino.gal

A MARIÑA

Avenida de Galicia 20, 1º
27700 Ribadeo
☎ 982 129 593 / Fax 982 129 593
amarinha@cig-ensino.gal

VAL DE MONTERREI

Rúa Pedro González 5, 1º
32600 Verín
☎ 988 412 345 / Fax 986 411 013
verin@cig-ensino.gal

VIGO

Rúa Gregorio Espino 47, Baixo
36205 Vigo
☎ 986 827 935 / Fax 986 262 844
vigo@cig-ensino.gal

SALNÉS

Rúa Alexandre Bóveda 2, 2º
36600 Vilagarcía
☎ 986 505 323 / Fax 986 505 323
salnes@cig-ensino.gal